



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilmann

Coloniae Agrippinae, 1592

VD16 B 7378

39. De puero quodam, qui oblatione & oratione in sacrificio Missæ à graui morbo curatus.

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

De puero quodam, qui oblatione & oratione in sacrificio Missæ à graui morbo curatus. Ex vita S. Launomani Carnoiensis Abbatis & Cōfessoris descripta à quodam eius coetaneo, qui vixit anno Domini 620.

CAP. XXXIX.

Quodam die claudus illi (Launomano) oblatus est in ipsis monasterij foribus, idque ab illius ægri parente, qui ad eius genua se demittens, cum lachrymis exclamauit: Homo Dei, miserere mei, & huic puero, tuis precibus redde pristinam sanitatem, aut, donec is uiuat, tuo sumptu hic illi victus quotidianus ex officio misericordiæ subministretur. Cui ait vir Dei: Vnde mihi hæc virtus, qua tuo filio possim salutem restituere? creatoris hoc opus est, nõ creaturæ, interim verò potens est Deus, nec difficile est, illi præstare fidei tuæ hoc ipsum quod petis, sustine parumper, ac vnà cum filio tuo accipe benedictionem ac deinde recipere te licebit ad locum, vnde huc venisti. Itaque sancto viro Missæ sacrificium offerente, & sub ipso sacrificio pro pueri salute Dominum obsecrante, solemniter peracta prece, fragmento panis benedicti (sic enim loquitur huius author) & patrem refecit, & puerum curauit, simulque ambos dimisit.

In festo translationis S. Liborij quinque homines sub Missæ sacrificio variis debilitatibus liberati sunt. Ex vita S. Liborij, testante F. Lau. Suuio.